

Epigramma.

AD

EXCELLENTISS. DOMINI, DOMINI
CAMPI JACULATORIJ
ARBITROS.

A Jove commissi Ludis Circensibus, Ambo
Munere perfuncti nobiliore Viri,
Militiæ Decus hoc, & grati Nomen honoris,
Antiquæ specimen Nobilitatis habet.
Ergò Domi atque foris geminò clarescite Marte,
Et miscete Jocis Seria: Bella Togæ.

Epigramma.

AD

VICTORES IN STADIO.

Hac multò meliùs, Cives, pugnatis arenâ,
Tristis ubi fuso sanguine nemo litat;
Nemo telorum Jactu transmittitur orco,
Altera vel circùm moenia raptus obit.
Militis & Civis feret ætas postera Nomen,
Quando suo Victor pignore lætus ovat.

Car-